

مس زیندغاں آل چوں مُرتہ

نیاز مری



بلوچی اکیڈمی
عدالت روڈ کونٹ

www.balochiacademy.org

(c) All rights are reserved.

اے کتاب ۽ درائیں حق گوں بلوچی اکیڈمی ۽ انت۔
بید۽ اکیڈمی ۽ رضاء کسّ ایشی ۽ مواداں چھاپ کت نہ کنت۔

مس زیندغاں آل چوں مُرّتہ
(شاعری)

نیاز مری

2024

ISBN # 978-969-680-200-6

نہاد: =/200 کلدار

بلوچی اکیڈمی ۽ اے کتاب میراث پرنٹنگ پریس کراچی ۽ چھاپ کنائینتگ ۽ شنگ کتگ۔

نامدات

پہ بلوچستانء

لڑبندی

- 1..... غریب
- 3..... ترا مونجھے ضرور استیں ثمر مرثی گوں میلاناں
- 4..... ورو خیں ہُستراں تڑسے لذانی جزا غا بل دے
- 5..... وس و سیں وئی چندے دیبی مری بلاں مری
- 6..... آہڑی گر میں لو اراں جکشو ہیلاں ترا
- 7..... مہ گندا ازوٹ گہینا ایڑ تریناں گند خیر میٹے
- 8..... ہندے جو فوا جھگڑا میں ہندے عزتے مسلائیں
- 9..... کو ہستاں تئی کو ہانی نیاما چھکریں چی آں
- 10..... جان گوں تئی مللاں
- 11..... آجوائی
- 15..... تئی زلفاں مناں کُشتہ بُرواناں اواریناں
- 16..... ننیں زنجیر جو لانے ننیں رسی ساذ بستی یاں

- 17 وِشکی
- 19 شو نغانی شتہ ورنائی
- 21 او گلبدن گل ناز کیں گل اشتونت گلاں توئے
- 22 کوہ طورانی ندر کے یا کتابی قصوے
- 23 عاشق کننت یار تئی دست با نہیں
- 24 دست مندری چونچ چھلا تو مناں داتہ وئی
- 25 دلاں چھیڑ نہ تو دلاں بر کئے
- 26 پھرہرے و شڑی نیں گواٹ زر کی تو مناں گیر ار
- 27 گر یغیں اے خلق دُرا ہیں
- 29 نارینتغاں پیکی سرا کل نئیں کذیں بانور بی
- 30 نئے دلا سوچئے مس ترا کھلاں
- 32 زیب کنت پٹاں مللماں پوشی
- 33 کئے گڑانا مئی کبوتر در کفنت کٹو جڑی
- 35 میں لعل جڈائی نی باراشہ گراں بیشہ
- 36 چے حقیقت چے فریبیں اے مناں معلوم نئیں
- 37 رہی ملاسی دل بُرتئی کسے گشی جند لغنی
- 39 گنگمیں گوں انڑیاں پچے گرے تو موکلا
- 41 تئی دربارا مس مستیں تو کلی اشتور و غایاں

- 42 مناں تئی انتظاری ایں کہ تو ماہی بلانا بیا
- 43 چمن مرشی پریشائے ترا تئی سنگتیاں اشته
- 45 یار میں کوہی زامراں رستہ
- 48 بیامی وطن ء
- 50 ملگوریں پٹاں کن جینہر
- 52 مانگی و لیس کناں جُزاں فقیری کہنغت جانا
- 53 رہنغے نشنوما نگاہ داشتہ
- 55 سر خداوندیں سنگتیں سنہڑا میں نبی
- 57 پوہ ساڑتیں چلواں مس تئی پہ ہیلا نشنغاں
- 59 گوارو خیں جُڑاں گوڑ تو میں کہنی ء کڑی مینتہ
- 61 بل مذے گل دگ رائے نیامغا
- 62 تئی ترنڈوٹا گو سستغاں تو جکشو بیر و کشہ
- 63 میا تو می دلانشے
- 65 مس تہ چر سی نیاں مس شرابی نیاں
- 67 انگلوئے دنگلوئے
- 69 مس گلے یاں تو بلبلے مس بے آں تو میں دلے
- 71 رستہ کونجے سحلی ء صورتے نشکاں دیانی
- 74 زی بیگہادر کپتغاں

- 78 سنبر و سنیلان روان ہر یویاں
- 80 مس پوہ نویغاں شئے کوا
- 82 پھیری پھرانا قسمتی واہی کڑے ء گو سستغاں
- 85 گپتہ من زلیں دیمغے کھائیاں مس رائے ناگماں
- 87 مئے بلوچانی نشانی ظاہر انت
- 89 اے منی ماٹ سری نیں
- 91 ابا گنوخیں
- 93 انسان یگا

غریب

ایریں بے تِلا غریئے چمنی
ہندے جیراناں شمال و روژنیں
سیر آنت بلی بینگ امیرانی درئے
چک غریئے گولی ء پہ سِکغیں
ہندے ء سچی ء زڑدا ہر خوراک
سُدھ کیایں لوغ غریئے لنگھڑیں
کسے ء گوں کار و جہازاں سفر
لنگ ہماں تانگو برو ہند کپتغیں
بادشاہی محل و بڑزیں بنگلاں
چوں کنت پڑدایا ہماں کہ سرڈریں
باز گوں پوشاکاں نوابی دش تاں
باز پہ لجا لکنت کہ جاں کیندریں

شوق نیاما بارنت کھڑدے تنگونت
 باز شفاذنت نئیں کہ پاذاں چپلیں
 نیازِ حدائی فیصلہ بر حق آنت پر
 مئے سرا دہ فرض او جی ء سُننتیں





ترا مونجھے ضرور استیں شمر مرشی گوں میلاناں
گلابے رنگ بہمشیایں خُماریں چم تئی حیراناں

گرے گارنت دنی مجلس زُلف تئی میلیونت مرشی
وٹی ڈکاں گوں کس سنگت ترا دیشو پریشاناں

نئے محلیں سینغا تعویز نلی ہڑ دو تئی خالی آنت
کہ شمع وٹ مُزانے تو برو تھانگو تئی پرواناں

ترا مونجھاں نہ گندی دل تو بیا پیدار مناں ڈکاں
دنی کندغ کہ تئی گرڈنت مس باں تئی نیاز نزراناں





وروخیں ہشتراں تڑسے لذانی جُزغا بِل دے
 کہ تڑسے رستراں گرکاں گرانی جُزغا بِل دے
 ار تو بگی آں پوکے تہ دُنیا کوٹھا سیاہیں
 کہ سیاہیں رنگ ترا وش نسیں شفانی جُزغا بِل دے
 ار وٹی عزت ء رکے ار سوچے نواں جھکا
 وٹی دستاں گوں وٹ گھٹ ور درانی جُزغا بِل دے
 وٹی جانا کہ کمزورے مہ در کف مستریں روزاں
 نواں سرگر تو زینہاراں لہانی جُزغا بِل دے
 شُشغ براش نسیں نے نیاز آسانی رُخا بِل دے
 پدی دانہا شہ پیشا تو جھرائی جُزغا بِل دے





وسّ و سیں وٹی چندے دیبی مری بلاں مری
 سروٹی سوکا کہ بی دیبی مری بلاں مری
 دیبی ششغیں دوڑھا دیبی مرغیں لنگھڑا
 چندے سر ڈکھی موی دیبی مری بلاں مری
 نئے استیں انسانی عمل نہیں استیں انسانے فکر
 بی گوں عیشاں زندگی دیبی مری بلاں مری
 وٹی چند موجے حاترا آں دیبی ۽ ساہا گروں
 میں مناں ہر شے ملی دیبی مری بلاں مری
 تئی گندغیں کاراں نیاز رستر پناہا لوٹغنت
 یک مس نیاں ہر کس گشی دیبی مری بلاں مری





آہڑی گر میں لواراں جکٹو ہیلاں ترا
منگھر و من پوہ گواہراں جکٹو ہیلاں ترا

انتظارء کُلیں حداں لانگٹو گند ساہ مئیں
بڈٹو ہیذاں شہ گاراں جکٹو ہیلاں ترا

نئیں ورغ نئیں جان سُدھیں نئیں کناں شوڑے مُشے
جر گوں مئیں جانا اوارنت جکٹو ہیلاں ترا

بہر کن مہراں مناں تو مس دہ دھرتیا رلاں
کھڑد بیٹو دوست و یاراں جکٹو ہیلاں ترا

یہ گھڑی ء تی شہ دگاں نئیں کہ سریشیں نیاز
کلرو سُنیں ڈُغاراں جکٹو ہیلاں ترا





مہ گندِ اثرِوث گہینا ایڑتیریاں گندِ خبر میٹھے
 کروڑیں نعمتاں بل لنگھڑیناں گندِ خبر میٹھے

امیرانی تو پوشاکاں مہ گندِ بے نا شکر رب ء
 غریبانی تو جراں دڑتغیناں گندِ خبر میٹھے

تو پُلاں رنگ و رنگیناں مہ گندِ آں وہ فنا بی انت
 وتی چلہئے تو داراں سُختغیناں گندِ خبر میٹھے

وٹی دُکھے دیہانا بل تو گندِ بد قسمتیاں آنہاں
 دیہانا کن تو لاشاں زندغیناں گندِ خبر میٹھے

ار ہر جی بُنایئے نیازِ اشتہ چہ بُنیں است نت
 تو خیالا کن بُنا اثرِوث بُنیناں گندِ خبر میٹھے





ہندے جو فوا جھکڑائیں ہندے عزتے مسلائیں
ہندے داہیں و تنگی این دوستاں اے تہ مئے دُنیاہیں

ہر یکے دفا دُنیاہیں موتے ننیں دلا گزرتی ء
کسے ء دلا دھوکہ میں کسے گوں وٹی شونقائیں

مڈی لُٹنی دیہی ء دومی وسم وٹ زانیں
ہر کس شی مناں کمینیں دیہی ہر با سوکائیں

استیں زندگی چیار روشئے روغایاں ہماں گریگاں گوں
قومی سنگتی ننیں دوستی ہر کس پیسوئے رنداہیں

نیاز وٹی غُربتا وٹ زانیں وختیں کئی گرا میں پولئے
انسان تئی قدر کمینیں دُنیاہ قدر زیاداہیں





کوہستان تئی کوہانی نیاما چھکریں چچی آں
 نذغ و شبو پتریکیں باغ لونشانی لڑی رئی آں

سوزیں زامروں گٹاں ہشیں درشک انت سوادانی
 تئی میداناں کٹر و شیں تئی و شیں بو کتوری آں

دادرنت کھور و کہیرانی چغڑدیں پرپُغیں درشک انت
 تئی و شیں آف انت چاٹانی تئی سنگ سوناں تڑئی آں

مالانی چراغ سوزنت گوں عرشی جینہر ونوذاں
 سکارکا تنگلوں پلاں تئی باغاں گل گلابی آں

ساڑتیں ساء انت درنگانی بہوخیں آف انت کورانی
 تئی سندانی زواراں تئی سوادے مانیں پیٹی آں

مس ڈیہاں گھولشو کلا وٹی تئی مس تڑ نیشہ
 تو استے جنئے نقشہ نشاں گل نیاز بہشتی آں





جان گوں تئی مللاں
 پاڙ گوں ملوکیں موڑغاں
 بانہی و چھلا تنگویں
 گوں گوش جاڑیں کیوٹاں
 دف گوں مساگاں سہرنت تئی
 چم گوں تئی سیاہیں سریمغاں
 تاویت ایرنت سینغا
 اے ہار ء ہس گوں کنگڑاں
 سغراء سری تئی وانیلیں
 ہیراں کنئے تو مڑڈماں
 سنہرا گوں سہتاں زیب کنئے
 نخرا نیاز گل بے تڑاں



آجوتی

آختہ رُوحا چوروی خیالے
 کوڑوا کاراں مس کتھ محلے
 بستغنت ہتھیار مس شکارانی
 دیم کتھوں براں تکیں جنگانی
 چو بیابانیں آرنڑ پیٹی ء
 پولغاں مرگاں چم شکاری ء
 بُلبلے دیشوں چوری ء سنگت
 آتکہ موجانی دلا راحت
 سوچنوں مرشی بُلبلا کھاراں
 مس براں بنداں بُلبلا داراں
 ماٹ و چک یہ ہندا چھرغئے شنت
 موسماں مزایا گرغئے شنت

و شتریں بولیاں کنعے شنت
 پگھیں میوایاں ورغے شنت
 و شتراں بولی بُلئے جواہیں
 بُلئے پرنٹ باز سُنہڑائیں
 بُللا مُراگانی گوشت ملکہ
 گام کٹو جلدی بیشغاں رِکا
 مس وٹی تدبیراں اڑائینتہ
 بُلبل شہ دستاں مس برائینتہ
 گجر و پراں استہ معزوری
 بُللا جھٹاں سراتکہ چوری
 دھوم شیموشی دیدغاں رپتہ
 جھٹ کٹو چوری بُلئے گپتہ
 بُللا زیادا چوری ء وشاں
 مس وٹی موجانی دلا خوشاں
 مس کٹہ ولا نی رواں ہندا
 بیروے چرینتوں پذا رندا
 یہ عجیبیں مس قصوے دیشہ
 گندغا رُوحا حیرتے بیشہ

چو پریشانی چرغیں بلبَل
 موتی میں چم آنت انڑی آں گُلگُل
 غمزدائی ء مئی پلوا گندی
 بال کنت چیاں پلواں نندی
 گندی چو مئی وٹا اداسی ء
 رنگ ہیٹ بیٹی چو بواسی یا
 سوال کنت اژس بے زوانی یا
 بل دے شاعر چوری ء مئی یا
 نن منی دستا کمتریں وٹے
 جنگل نیاما ننیں مناں کسے
 ناہیں مس کوکاں جنگلے نیاما
 ننیں وراں آفا ننیں وراں تاما
 بل دے شاعر مئی کستریں بچا
 میں ترا ناہیں، چو جاناں ہچا
 پالٹہ پیشا مس دلے سکاں
 کس مناں نیستیں جنگلا یگاں
 میں دلا دڑدے لیٹھ کاری
 دھک دلا بیٹھ بلبلا زاری

اشتو مس چوری بُلئے داتہ
 بچتہ چوری نی وٹی ماتا
 ہر دویناں خوشی و قرارا آختہ
 بُلئے رنگانی نکھار آختہ
 بال گراں درشکانی سرو سایاں
 ہڑ دوئیں لوٹنت پہ مناں دُعایاں





تئی زلفاں مناں کُشتہ بُرواناں اواریناں
ہشتر میں چے کُتہ دلبر تئی چماں شرّ ٹھاریناں

جھریٹے میں دلا داتہ تئی بے عیبیں جوانڑی ء
کُشتہ شرتی رکاں دناناں اناریناں

بگی ہڑ دوئیں بوتاں تنگو آف داتی میں
ملنگاں گوں موالیاں اے یہ دہکا گوں ناریناں

کوئچی گردئے چھیرا سینغ تئی سوادانی
سرینا ولّ مہ دے بندی کُشتے کلے ہزاریناں

گاماں آستغی ایر کن کنغیں گلز میں دانہاں
تو کندے نیاز کئے آرام دلاں چو بے قراریناں





نئیں زنجیر جولانے نئیں رسی ساذ بستی یاں
نئیں مانیں مناں دکے مناں چونیں مس پٹی یاں

نہ نقصانے کٹوں ہندے نہ واپارے برائینتوں
پریشاناں چکے ویچار و سوچاں گوں مس نشتی یاں

دماغا براوراں بلکل گنوخی نیستوں ڈنجا
گنوخانی مس واجھا دگ و دیلاناں مس کپتی یاں

پجا مس دوستاں کھاراں وٹی مس دُڑمناں سئی یاں
بجائے دُڑمناں دوستاں چکے گلاں شمشتی یاں

مہ وٹ حیراں وجہ اے نیاز چے بیغیں
مناں عشقا کثہ قیزی جٹو رنجاں مس سُختیاں



و شکی

ریجاں چھرو خیں و شکی
کوہاں چڑو خیں و شکی

آہو تئی چم مشہوراں
جُزئے کنئے کلوراں
ڈیہاں پھرو خیں و شکی
کوہاں چڑو خیں و شکی

رُبے دیئے تو تاراں
مانینئے شاہسواراں
تیزیں تشو خیں و شکی
کوہاں چڑو خیں و شکی

گٹیں مس تو گرانئے
یدر تو بڑزغانئے

دیرا ترہو خیں و شکی
 کوہاں چڑو خیں و شکی

دُنیا اے تئی میں آشق
 تئی استیں ہر کسا سکت
 تو رُوح برو خیں و شکی
 کوہاں چڑو خیں و شکی

شرے تو شرن تئی چال
 نیازء ہنت ترا گال
 لماں دیو خیں و شکی
 کوہاں چڑو خیں و شکی





شونقانی شتے ورنائی
 دانی تو نوے تو بہائی
 دہندا کپتغنت ہلکانی
 پرواہ ننیں ترا چُکانی
 چہماں عینک انت بگائیں
 دل تئی چھوروی سیمائیں
 روش نی دیغرا لانگھوئیں
 دانی کارتے نا پوہیں
 وحی ء عزتے وٹا گند
 نی تو گڑ برو ہندا نند
 گر وٹی جوفو و دہندائیاں
 دڑدی نی محن بندایاں
 دانی ننیں ترا وختے تک
 گاماں کن ڈھرو ودھی جک

نی تئی وخت نئیں سئیلانی
 نئیں کہ سر بئغ و تیلانی
 گوڑی کاٹھے اولا باز
 دوستی میں ترا پنتیں نیاز
 استیں ہر دے میں اے دُعا
 گوئتہ گوں حُذا راضی با





او گُلبدن گُل نازکیں گُل اشنونت گُلاں توئے
گُل باغبان ء زیورنت تو گُلزمین ء زینتے

گُل موسماں ہڑ بنت ضرور تو سہکتے ہر موسماں
خوشبو زرنٹ پُلاں پرے لیلّا تو مئی گُلاں گہئے

گُل زرگس و گُل چاندنی گُل چنبیلی گُل گُلاب
اے گُل تمام نزاختو چوناں تو درآکتے

گُلاں کہ تو سسیلا کنتے گُل گُل تئی پاذاں کف انت
گُل تئی گوں پاذاں سوژ بنت آفیں تئی پاذاں زمزم ء

گُل بلئے گُل انت مگر تو گُل منی مس پوٹاں
نئیں واستہ گُلاں نیاز گُل مئی توئے گُل مئی دلے





کوہ طورانی نذر کے یا کتابی قصوے
یا پرستانی پری ء یا کہ حورے جنتے

دست پاؤ نرم انت کفو تے رند بنت موڑدانغاں
لعل گلابی دیم زڑدیں کچھیں درشکی برے

سیاہ و سیاہ ماریں پُٹ اَنتی کوفغاں لیٹ کنت
ظالمے ترچیں نگاہاں بند بنت دھڑکن دلے

آستغی ایر کنت قداماں ایر بنت سینغ سرا
آسکی لوڈاں گہانچے وشت بولی بُللے

چے مثالا مس دیانی عاجزاں مس تہ نیاز
ہر ادا تھیراں جنوخواں ناز و انداز قاتلے





عاشق کنتت یار تی دست بانہیں
 داغاں دینتت یار تی دست بانہیں
 چمکدار دلکش دلاں زور موڑنت
 روحاں برنت یار تی دست بانہیں
 زوری کنتت عاشقاں مست بانہیں
 تیراں جنتت یار تی دست بانہیں
 ظاہر کنتے تو کہ دست نلی ء
 سی بلنت یار تی دست بانہیں
 اے بانہیں کنتت یار بے ہوش گلاں
 مناں سیب کائنتت یار تی دست بانہیں





دست مندري چونچ چھلا تو مناں داشه وئی
تھورویں تئی مئی سرا کہ رکنتے مئی زندگی

تئی نشانی قاصداں آڑ تو مناں زی دانشت
زُرتغت چماں گو مس آں دانشیں تئی جان جی

مس ترا سالے کتو منت اخیر مس ٹھکثہ
آختے ترے دلا تو وٹ کثہ پیغام زی

نی مناں ڈکھ نے دل ء مئی میشغت غم گل ختم
نئیں کہ ارمانے پدا نئیں استیں ڈکھے نا چھکی

خوش کثہ تو نیاز مولا خوش کنائے دُعائینت مئیں
دیر بنت ڈکھ تئی سرا غم نیائینت گُردنت چھرکی





دلاں چھیڑ نہ تو دلاں بر کنئے
 محن مستیاں کیچھاں بر کنئے

تو باغاں دہ مرو سرا سڑدری
 ادایاں گوں تو جنگلاں بر کنئے

تو چماں کہ پھیرے تہ بی زلزلہ
 غزل چے شے انت شاعراں بر کنئے

شموذا شہ چکے کہ تو آلے
 تو بل مڑدماں فرشتغاں بر کنئے

دماغا شہ اولا مس چٹاں نیاز
 تو بازیاں ادایاں مناں بر کنئے





پھوڑے وشرٹی میں گواٹ زِرکی تو مناں گیرار
چو غورا گوں ترا کسے کے تئی تو مناں گیرار

مناں گیرار ہماں وخت ء کہ میلا بنت مُراذانی
دے ء تئی گُرا کسے کہ جکی تو مناں گیرار

رنجے تئی سرا بیئے شیں ترا کہ یاد کنت کسے
ترا پہ بی اگاں کسے کہ ڈکی تو مناں گیرار

کہ آں دم واند میئے تو وٹی شہ کار گُزرا ناں
پریشاں کنت ترا آں وخت یکی تو مناں گیرار

نیازا ہر دے گیرے نوئے پھرے دلا تو دیر
ترا کہ ناگماں زیری چو ہڈکی تو مناں گیرار



گریغیں اے خلق دُراہیں

گریغیں اے خلق دُراہیں
گریغیں اے خلق دُراہیں

کسے پہ نغن زمبا
کسے وٹی ہرہمبا
کسے شہ نوز و نمبا
گریغیں اے خلق دُراہیں

کسے پہ مال و زرا
کسے پہ ہمسفرا
کسے پہ جان جرا
گریغیں اے خلق دُراہیں

کسے عیاشی ء پہ
کسے فحاشی ء پہ

کسے خلاسی ءِ پہ
گریغیں اے خلق دُراہیں

دھرتی غماں شہ گاریں
جگ نیاز بے قراریں
پرمس پہ چے میاریں
گریغیں اے خلق دُراہیں





ناریتغاں پیکی سرا کل ننیں کنڈیں بانور بی
بانور بی روشے ضرور کل ننیں کہ کئی رو بی نصیو

رُستہ کفوت گوں انگلاں ڈکی نویثہ کوڑوا
کل ننیں کہ تھاں ہندے برو قسمت پذا جنڈے مڑی

ڈکی موا بس دُعائیں آخر رواج گارء نونت
گڈرات دوارے اندرا بارے مناں شہ دیر بی

لاڈاں کنا عیشاں کنا ہر شے رسائی واہگئے
آوریشمے شر دروشمے مونجھا کہ بی گڈ گیمری

سئی نیاں حذا تئی فیصلاں مئی دلبرا ڈکی محن
باڑتی دھوسے لنگھڑیں کیزاں نیازا گوں ملی





نئے دلا سوچے مس ترا کھلاں
ڈھل گراں زینہار و گراں ژلاں

مئی دلے دُزغ تئی چناں بٹے
کوہسری کاپاری جناں مٹے

مس سخاں کچوخی دیاں گھولاں
رول کنتے براں مس ترا رولاں

تو دلا گوشته ییغیں لیوے
ایرگا اِنغ پہ مناں عیوے

نیں شفاں تئی مس وهاؤ پٹیناں
گڈ خبر بی شتے دلبری چے ناں

مس دیاں کلاں تئی نام روتا کاں
 مس ترا چماں گند کہ پیدا راں
 مسی ترا حالیں ڈاھ و پیغامیں
 مس ترا بلاں نئے نیاز مسی نامیں





زیب کنت پٹاں لملاں پوشی
 درکفی سوزیں ساولاں شوشی
 نرمغاں جُزی چو گام کنت و شکی
 کنے چو آں آفانی سرا جکی
 جُهور بنت پوپٹ بھنور آں بلبلی
 بی چمن حیران آتکہ تھان گل
 کلبلی مچی آپتا ہوراں
 اے تہ انسانے ہٹہ چوں نوراں
 مور مرگ لوڈاں سگا ساہئے غاں
 سامنداں نازاں لکنت ساہئے غاں
 نیازِ دلا سببال دل نواں ترکی
 شر نظر ساہا کشتغیں حقی





کئے گڑانا مئی کبوتر درکفنت کٹو جڑی
 درکفی جکی گلی ء چاڑدہا ماہ درکفی
 صورتا سُرچم مشوریں تی جناں مٹ چی نوی
 چوٹوئے شمشیں پُٹنتی سرین چھکا ایرانتی
 دورہیں بُرواں کشوخ انت چم جنوخ انت رسیفلی
 باریعیں پونٹے کفوتے دوستے گٹا زردلی
 پوپلیں رگنت مئی ساہے دنانتی بگڑی
 ماڑی ایں سینغ گہانچے بگڑنت دستے نلی
 بارعیں سرین وٹھی نیں درکفی ماری تلی
 بیرواں کنت دیم پھیری ظالمیں نازاں گشتی
 کندغی دانتی لُری یے دل منی زوری بُڑتئی
 بیشغان سُرچم شنیدا نی گنوباں باوری
 نیم گنوخ اولا مس استاں آں کسر پورا کشتی
 نندغا نیلی مناں دل دا ث اڑیاں بے نصیو
 دوست دیدارا کناں اے تہ میں فرضیں سری
 گرم و ساڑتاں دوست دگاں ہیل باں روش و شفی

ساحتے غافل نوی ء کل نسیں تھیں وختے گزری
 باورا کاریں شا دوستاں دل بڑ تو قیدی کشتی
 بیشعاع مجنوں ء بھیرا چو سمواٹ پہ توکلی
 وھاو چمانی حرامیں زارہاں شف مسی گزری
 دُعا کنیں کُلیں شا دوستاں مانخاں گوں مس ملی
 نیاتکہ اے ماہ لافا نیاز گڈ پکی مری





میں لعل جذائی نی بارا شہ گراں بیشہ
اش پیشا مناں ملشہ میں خوشی ہماں بیشہ

دل دوڑہ آسائیں میں حرفیں دف ہے ہے
نی لاغر و بے سیحاں میں زیند زیاں بیشہ

چیار روشئے پہ خوشی ء باری مس غم ء زُرتہ
دل پک اٹ کبابی میں سیہانی سراں بیشہ

میں وہاں محل پرشتو ہاخانی سرا بیشہ
ارمان جنازہ میں بے کیس رواں بیشہ

نی نیاز منی بیڑی چولانی رُخا بیشہ
میں موت میں آرا میں پکیں اے گماں بیشہ





چے حقیقت چے فریبیں اے مناں معلوم نئیں
 مس ہماں حدّا گُشغاں یار مئیں معصوم نئیں

مس وٹی گوں شاعری ء ماہ و استاراں بُڑتہ
 بارغیں کونج صورتی ء بل ہماں حدّا نیا
 مس حکمراں منشہ بل خلق اے محکوم نئیں

مس گشاں کہ عالما شہ صورتا یک نمبریں
 مس پریاں ودھ گُشانی گوں فرشتاں براوریں
 دھرتیا مئیں دلبرے بالکل ہمکر دھوم نئیں

یار مئیں شہری وزیرے واہشیں اے مئیں دلے
 بل حقیقت دلربا مئی سادائیں یہ مڑدے
 ڈسغیں ہڑچی ہمکر نیاز دہ مظلوم نئیں





ریملاسی دل بڑتی کسے گشتی جندلغ نی
لڈ اولاک سمج تو داشتو نی ویلاں دلغ نی

دل گوں دستوراں نہ داشتی نیستہ معصوما شعور
بند کشتی قیدیے ڈولا نیست ٹی پچی قصور
نی دل ۽ دانہاں نہ اشکنت روبروی گریغ نی

یہ برے شونقا گوں دل داٹوں آں موریں مرڈم ۽
نی مناں گردی نذاتی داتہ دھوکا ظالما
دل صبرا گوں تمامی عین عزاباں سہج نی

دل سرے دُمبیں گوں دوستا یکدمے ابدیں موی
گُردغئے دگ بندنتی گل دوست وٹیں ہر گھڑی
بیٹہ مالک آں دل ۽ مئیں نئیں کہ واستہ مئیںغ نی

دِلِ ہموذا وِثِ دِہِ وِشِیِں اِرِ کِہِ دُرْدَانِیِ تِہْلِئِیِں
 کِپْتِیِیِں آسَا ہِمْوِزِ گُڈِ دِہِ سَاہِیِ سِگَنْتِیِں
 نِیَاَزِ مِیِں دِلِ دِہِ گِئِوِخِیِں نِئِیِں خِبرِ دُرْدِئِغِ نِیِ





گنگمیں گوں انڑیاں پچے گرے تو موکلا
 مناں سوا مرے روئے تو بی سدا میں سنگتا

وفا کثوں وفا کنتے میں دل بڑ تو تو داشہ دل
 مناں شہ کھڑد بے روئے برو سدا میں نے دخل
 جہان سوچغاں تو بل وٹی سرا کن باورا
 مناں سوا مرے روئے تو بی سدا میں سنگتا

مس یکدمے کہ دیر باں تو جہاتیاں جنئے دراں
 اے عمرہے جڈائی ء تو چوں سہئے مس چوں سہاں
 موی تو دیر جان میں یا بر مناں وٹی گرا
 مناں سوا مرے روئے تو بی سدا میں سنگتا

اے عالمے میار مئے جڈائی ء سبب موی
 سہے تہ تو سہے بلے نیاز تئی غماں مری
 اگاں سہے تو میں صنم بل مناں سداں برا
 مناں سوا مرے روئے تو بی سدا میں سنگتا





تئی دربارا مس مستیں توکلی اشته روغایاں
 کنئے تو عاشقاں مونجھا سلامی تئی درا نیایاں
 مس سموئے قسم داٹو وٹی ڈکھئے بیایاں گوشتوں
 ہماں دڑ آرٹغاں گرتو ہماں دڑداں برغایاں
 ہمنکر بیٹھے تو مس دہ تئی ڈولا ملنگ بیٹھاں
 کرامت داٹھے ربا مس بے ڈوھی مرغایاں
 مس ہر وٹا شہ ٹھک واڑتو امیدیاں آنکغا گوتہ
 بلے مرشی امیدیاں نا اُمیدی یا لُڑغایاں
 نیازا توکلی اشته وٹی دوستی ء دز کشتہ
 ملائیں یا مناں یارا مس ناہیں اشته رنجایاں





مٺاں تئى انتظارى ايس ڪه تو ماهى بلانا بيا
 هه ڪن بانزرى بالا يا سياه ماري تٺلانا بيا
 ڪفوت مئیں بانزرى بالاں شه نى تو اير ڪفانا بيا
 بيا گورمس گلابى گل تو نوخ آنى لُرانا بيا
 جيڙياں سرى جاني تو مئیں هڪا لُرانا بيا
 مورى آسكى چالاں تو ماري ول گرانا بيا
 لوغا در ڪفئے جوائیں تو مئیں نام ء گرانا بيا
 گون گئے گريهه و وشاراں تو سهراياں جنانا بيا
 پلنگانى سرا جوائیں ڪهڙو بي اُبهراانا بيا
 مئیں ٺوڪاں ياد ڪن بگڙى تو مئیں شيرآں پڙانا بيا
 نيازءِ دل موى مونجها مئیں رنجاں اير ڪنانا بيا
 وڻى زلفاں تو ڪن جڙسا تو نى درينى رُذانا بيا





چمن مرثی پریشانے ترا تئی سنگتاں اِشتہ

ترا آں بلبلاں اِشتہ ترا آں پوپٹاں اِشتہ

ہے دستوریں دُنیاۓ کہ دوستی غرضاً دوستی ایں
وفاداراں نواں پولے وفایا اے جہاں اِشتہ

گوں مطلب گل و پلانا نی ویرانے تو وٹ زانے
مہ گرے نئے کن ہے ٹوکا کہ مئی دوستاں مناں اِشتہ

بہاراں دوست تئی گل ہماں گلاں ترا اِشتہ
تو خوشی داغنت آنہاں ترا گڑ تو غماں اِشتہ

ہماں کنئیں پہ ترا سوچی مناں احساس تئی استیں
ہے رنگا مئیں دلی دوستاں مناں گوں انڑزیاں اشته

سبق زُرتو مس دل داشته چمن نیاز ء ترا پنتھیں
مہ گولش ممی باغ ہتر بیغنت مناں سوزیں براں اشته





یار میں کوہی زامراں رستہ
 موسماں کونجی ولہراں آختہ
 چیتری استینیں جڑاں اشہ
 آتکو گنجانی دُنیا رپتہ
 سائے مس آرفیں پٹ ۽ رُستہ
 بس کتو زرتہ مکھیں ماٹا
 لوغئے بھانٹیاں ڈوبراں داشتہ
 ریشم و شائیں گونزغاں بیشہ
 جی و بساں گوں لعل روزینتہ
 آتکو بگی پُجشہ وہی ۽
 دیم بلی سا ہے چاڑدہی ماہ ۽
 صورتے قہری رُفلا کشتہ
 چم خماری ایں قید کنت روہا
 رک انارانی ننیل انت آراما
 آسکی چماں دل منی زرتہ
 شکرانی شیموشاں جشمی آسا

شو کٹو شو شو خیں تفال گفتہ
 بیشغاں مجنوں مس ہماں وختہ
 یہ دے چماں چہ موی اوٹا
 حال ہینڑائیں دل پہ ننیں وسا
 ہند کشتی تنگیں ڈوبرے نیاما
 بانک ء گوں مس کاشدے شستہ
 دست مندری ء ریشمے نکا
 برو منی قاصد دنگلی ہکا
 بر منی چی یاں دے وٹی نشکا
 ایرکناں لاچاریں دل ء چکا
 ہڑدوئیں دستاں بند کنی عرضا
 مس دہ مجبوراں پہ دلے دستا
 حاتمى ننگے کنت سرا مئی ء
 ہا کتہ کندو خیں ہماں لعلا
 دست بانہیں گوں آختی ویڑھا
 شک مس سر چماں کٹو زرتہ
 بیڑٹو رومالاں کٹوں جیبا
 دل نخت تنگیں ڈوبرا ہندا

ڈس تھی درائی بیا پدی پاسا
 شف گوں مئی مورے مجلساں گوستہ
 بام رنگا مئیں سینغا سستہ
 مئیں دلا غئیوی ہر فرے زڑتہ
 جھٹ کٹھ گفنتوں لیلویں دستہ
 برو نوں کانی بل نواں ایکا
 دز جٹھی گیوارے اسل نیاما
 شکلیں ورنہ تو موی مونجھا
 بندغاں گووتہ قول اقرارا
 نئیں ترا کھلاں نئیں کنتے دانہہ
 سوالیں مئیں رب ء قذرتی زاتا
 پُشتواں بانے ہر دے نیازا
 کھڑ محن موریں مردما اثما



بیامسی وطن ء

بو جلی بیا میں وطن ء
دنگلی بیا میں وطن ء

درشک گوں سوزیں سملاناں
کجگو گوں ہیڑدغاناں
کوه گوں سوزیں چادراناں
شاہ پری بیا میں وطن ء
گورغاں سیسو چھرغاں
اوٹغاں ڈیڈر ترغنت
بٹو پریں سر رشغنت
بگڑی بیا میں وطن ء

ہر گرے وشبوسیں پلنت
باغباں نوخیں گوں گلاں
بل ہے ٹوکا نہ بھلاں
چھرکی بیا میں وطن ء

مئیں وطن ءِ روش ہو رہیں
 مڑدماں ماللاں پہ دوریں
 ہر کس دوستاں اور گھوریں
 نیاز شی بیا مئیں وطن ءِ





ملگوریں پٹاں کن جینہر
جوائیں ماہ رُخا کن ظاہر

باندی نہیں دلاں دئے ٹیکے
بیا مئی بوجلا ہوشاں بر

ترچی دھیاں کنو واجھائیں
ہشکافیں دلاں بیا کن تر

دوریں مئیں دلئے درماناں
سیاہیں تئی پُٹانی چادر

سودائے بیا کنوں من تو
رکاں دئے مناں روجا بر

مس تئی عاشقاں المستاں
لوٹئی حاضرین ہیسی سر

مرضاں گار کن رُوحئے غاں
گور مس بیا دے تاویت گور

آنی دئے مناں کداہے
شیراں شربتیاں ایکا ور

نیازِ بیوسے کا گند
نیشستہ ہچبرے مس تئی در





ملنگی ویس کنناں جُزاں فقیری کہنغت جانا
نہ شوذاں چلوں ریشاں نہ خناں کار و گُزرانا

سدا یکیں دفا مَسینگا ، مناں اِشتی مناں اِشتی
مناں اِشتہ منی دوستا شتو مرشی گوں غیرانیں

دلا پلاں پچے گریئے پہ دروہائیں دھروئے ء
پچے ہر جائی ء وستہ کئے او دل تو ارمانا

میں دل چھنڑکاں مناں دا، شی میں واژاہ مس تہ لاچاراں
مناں تو ڈس کہ تھاں ڈیوا وفا داریں گوں پروانا

وٹی بُتا شہ بیزاراں وٹی جانا چہ ماژی یاں
روغوں ما حیاتی ء نی رنگاں نیاز گندانا





رهنغی نشتو ما نغاه داشته
 بارغیں بیلی لمشو گوئستہ
 آہری کشتو مس جشہ کونجا
 لمشو سائے ء ماخاں گفتمہ
 شارتمہ داشمی بیا بی کچا
 آنکو چپیں پلوا نشتہ
 بیڑٹو چنی ء تھلا سنطا
 گفتمہ مس آوریتمے دستا
 روش جشو مہراں گوں ما گوازیتمہ
 آخرا دھوکا دالغوں وختہ
 لگمگمیں انڑزیاں رواں بیشہ
 وعدہ شریں مڑدا گفتمہ

نی روغی نہیں بے وساں ورنہ
 دل گشی نہیں کہ کھڑد باں اشته
 چہرہ ڈھاکا اشته پُستنا
 گشے تہار بیشہ ڈیہہ مجاں گفنتہ
 سیر نوی دل میں چوں دلا داراں
 نیاز گوں تئی میں دے گرتہ





سر حذا وندیں سنگتیں سنہڑائیں نبی
 دُعا بزرگانی میں مددا کئے دستگیر
 واہرا مہینگا پنج بیا برانی مُرید
 ننگریں سُوہری سموئے بیلی توکلی
 لڈٹو کونجا اشتعال ساہا ایکوی
 پولغے داٹوں گوٹوں دُراہیں سندھڑی
 مس فقیر ویسا پولشہ لونگانی لڑی
 پیاذغیں پندھاں مس دیاں تاراں موٹری
 دڑتغیں جراں گڑ کناں سغرا سڑدری
 وعدہ داٹوں گنداں مس کونجا شے بھری
 یا مراں برے یا مناں جوائیں روش ملی
 نئیں مناں بھامی یار دوستانی سنگتی
 واہو پٹینتو یشخان کونجا پہچتس زلیل
 یا حذا وندیں بر مناں دگا سوہوی
 مس یہ دگے ء کھاتاں رائے راہگری
 واہے ء وٹا مچ شنت سوزین چھوگری

بارغیں کُنڈھی دیشہ مس ہنجاں سنگتی
 شارتے داٹوں درک بیا واہا بگڑی
 باورا کھارے میشاں ریلی سیں فقیر
 در پدر بیشو رُشعاں مس در دری
 آتکہ بگی نشتنوں ترنڈاں اوڈھری
 کدھے آنی سُنغنیں ٹپاں رتکئی
 دیر کتھے ورنہ آتکتے نہ چھرکی
 من تہ لاچاراں ڈیہیں پہ مڑداں نرڑی
 نی محن دیرا میں دلے بمبالاں مزیر
 نی روغائے گڑد بیا تکھا واپسی
 واعده داٹوں قول کٹوں رندی چاکری
 مار کٹی ہیر با ہیر موڑی بیا ہر کسی
 گنداں نی نیازا خوش بنت دوست و برادری
 بس کسو شیزاں داشتغت ٹپا شاعری





پوہ ساڑتیں چلوواں مس تئی پہ ہیلا نشتغاں
آں تلئے ساڑتیں شفاں مس تئی پہ ہیلا نشتغاں

ڈکھ ویلانی منی پہ گندغا ترا وخت نئیں
مس وئی گل اشتغنت مس تئی پہ ہیلا نشتغاں

تو کہ مئیں وٹا گزئے تو دیما جرے اوٹ دئے
مس دلا شہ بے وساں مس تئی پہ ہیلا نشتغاں

نئیں شُذئے مئے گنڑی نہ گرم گواہرے تکشوں
تئی دہ دگاں آہراں مس تئی پہ ہیلا نشتغاں

آتکہ ٹھکی مناں پر دل منی ٹھک نخت
مس روان تانگو رواں مس تئی پہ ہیلا نشتغاں

ہر با ترس کنتے دل نرم بی کھائے ملنے
گوں امید و آسراں مس تئی پہ ہیلا نشتغاں

گوں امیدیاں قائمیں دُنیا اُمیدا دار نیاز
تی نگاہ نیاختہ مناں مس تئی پہ ہیلا نشتغاں





گوارو خیں جڑاں گوڑ تو میں کہنی ۽ کڑی میںتہ
جانے مھلی میں جر منی دوستے سری میںتہ

شہ گیوارا سرا ایر بنت کفنت دیما بُنا ترمنت
حدائی مہر زورخ انت بدن آل نازکی میںتہ

تلغ انت آف اوشیشیاں کڑیے آفشنے وٹا
ہمیدا دیر کشہ ترمپاں کڑی ۽ بانزری میںتہ

جھالر میثغت گوشاں بانہی کنگڑ و تارا
دستانی نلی ساہے آل راڈو میں گھڑی میںتہ

ہوراں گوڑتہ ہر ہندے دراہیں گُلمیں رتجیں
 بلے نوذاں دوار دوستے شہ تی یاں گیشتری مینتہ

رُذنت نی پُل بنت بوٹا مئیں دلبر لئیو کنت گُلاں
 مس ہورے تورواں باراں کہ مئیں دوستے گلی مینتہ





بل مذے گل دگ رائے نیامغا
نئیں کہ سوہو مس وٹی باں منزلا

تو وٹی تاک ء مناں پہ بند محن
در پدر کن نئے مناں بے آسرا

اکریں ظلماں محن ظالم موی
نئیں کہ نی استیں غماں ہند سینغا

گڑدغئے نئے ہیل تو اشته مناں
یک برے گندء کنتے وٹ باورا

ساہ برواریں من بے زندغ نیاں
زندگی میں تو بڑتہ وٹی سنگتا

دل بڑتو نی وٹ کنتے بے وس نیاز
زندگی نی میں گزی تئی دامن ء





تئی ترنڈ وٹا گوستغاں تو جکشو بیرو کثہ
 تو تکثہ مس ٹھکشہ پاڈ میں نیائنت جُزغا
 ہتر مس ہموذا یشغاں بندا مس دومی نئیث غنت
 بندا مس لکھیں دیش غنت حیراں کثہ تئی صورتا
 چہاں گرانت تئی اولٹو آسے دلا بیشہ کھڑو
 روحا دہ زرتہ بھڑو اولا بکو اے لکشہ
 نیں پاڈ میں پنڈھ گرنت ہٹکاں دے دیما لُٹنت
 چہراں کناں مس بیرواں چوئیں تو جادو ء جثہ
 نی گرتغاں دل تئی گریں چہاں تئی عکسے چہرغیں
 نیں ہوش نیں جان ء کلین نی بیشہ ڈائے میں دلا
 ڈائے تہ کن ڈولے تہ کس سئی بیشتے پولے تہ کن
 نیازا گوں یہ قولے تو کس ناہیں مراں مس ناحقا





میا تو می دلا شُشے
اے آس روخیں ہنگرے

وٹ آس نیاما سٹشے
میا نی ویلے ء کفے
میں دل جھڑٹغیں مناں
میا خطائی ء محن
دلا شہ لامب سرغاں
دلے می نہیں جہنمے

نی سینغا مس جھڑگغیں
نہ گندغئی کہ اوڈھریں
نی چو کنئی دلے تہ نہیں
اے پتغیں میں دل جھرے

تو میں دلا گوں چے کثہ
 سہما تہ ننیں برے کثہ
 چو دانگرے تئی حاترا
 گشاں میا کہ دور بے

قدر نئیث کہ دل دل آث
 تو نی پذا چے سوچتہ
 نی میں بلوخیں ڈوبرا
 نئے راہ نی تو چوں گزے

اگاں رسے صلاحیں تئی
 تو یہ برے دوا کنی
 نیاز دل کہ ساڑت بی
 تو بیا گڈا میں نے منہے





مس ته چرسی نیاں مس شرابی نیاں
 بیگھ و بانگھا وراں بس مس بھنگاں وراں
 ایشا موالی گوشیں شے صلاحیں گوشیں
 مس موالی نیاں بس مس بھنگاں وراں

میکده مس برواں ته ڈوہدار باں
 مس شرابے وراں گڈ دہ ڈوہی مناں
 رند گوڑ مس بیایننت ته مس چو کناں
 میکده نه رواں بس مس بھنگاں وراں

ننیں گلاساں وراں بوتلاں ننیں وراں
 کدھاں گوں وراں کدھاں گوں دیاں
 ننیں کہ بے ہوش باں ننیں بڈے
 مس گشتاں گوشتی ء ننیں گراں بس مس بھنگاں وراں

بنگیوں درمان میں بھنگ منی میں دوا
 کس خفا نہیں نیازے ہے عاداتا
 گڈ وہ کسے اگاں کہ مناں بی خفا
 بھنگ موی مس مراں بس مس بھنگاں وراں





انگلوئے دنکلو ء
 یار میں لعلی کنڑو ء
 دروشماں حورے پری ء
 است سنا بوجلو ء

رُستہ ٹالھی درشک ڈولا
 کپتہ دھرتی پول گولا
 است شبنم بیشہ شعلہ
 یار مرگی بلبلوء

لُیو کنوخیں لُیوڑی ء
 وٹ دہ لیوی استیں چپی ء
 بوجلا میں بھل جھڑی ء
 دست مرگے شاتلوء

باغ گُلاں چہ گُلابے
 بوتلاں نوخیں شرابے
 بے مثال و لاجوابے
 ماٹخانے کجلو ء

ٹوک گفتاراں وزیرِی
 لوڈنت لاتکے ء امیرِی
 رُلعوں عاشق فقیرِی
 کلنت دا نہی یہ گلوئے

مشک امبر زعفراناں
 ہٹہ اے بُت آزماناں
 دل کشتی نیازئے نشانا
 استیں و شیں شکلوء





مس گلے یاں تو بلبلے مس بتے آں تو میں دلے
میں زندگی میں ساہ توے تو واڑھے منی سر ے

مس گنوخاں آں سہی مناں شہ بس جدا مہ بی
تو کھورے ے مس ماہی ے مس آفے یاں تو شربت ے

مس دیر باں مس چو کناں رواں کناں مس بیرواں
مس نہ رواں مس نہ رواں ترا سوا نہ پلوے

وٹی درا مناں مہ کش مناں نواں تو تی ے گوئش
مخن میں دژمناں تو وش مس عاشقان میں دلبرے

نگاہ نگاہ مئے یک با کہ بار کُل سفک با
 دئے باورا مس پک باں حیاتی ء جدا موئے

نئے تو برو نہ نیاز رو نئے مہر مئے لہاز رو
 درا ہے نئے راز رو مئے نیامغاتی کس میئے





رستہ کوچے سجلی ء صورتے نشکاں دیانی
 کدہیں چماں کفوئی دو کنڑوآں ترونگلانی
 درٹو برواں اوارنت چو مثل تہاریں شفانی
 چوٹوئے سمبھیں پُٹنتی سفر گیوار یہ بھرنی
 ہڑدوئیں گٹا انارنت دیم بلغیں ماٹخانی
 کاغدیں رکت امل ء رنگیں زردیں بینغانی
 بگڑیں دنٹاں گہانچے رنگیں موتی تنگوانی
 دست پاڈ ابریشمنتی لوڈ جھنڑسار آسکانی
 نئیں کہ مٹے تی گرے ء ساہا وشیں کندغانی
 شکلیں ٹوکاں دفے غاں مجلساں تی لڑتے نی
 اے حدائی گلزمین ء بوجلا یکیں گشیننی
 گام کٹو بیٹہ کہ رائی گلزمین ء ازگمیننی
 جکغاں گوں بیرواں گوں بوجلا لاشاں لڑینی
 یہ دے ترچی کہ گندی عشق مرض لگڑینی
 یہ نغاہ موت ء شزائیں نیستیں لی ء بچغانی
 مس دلا گوشتہ ہمنگا درپدر ایکا منانی

نی سما کپتوں کہ تکان لیکو نینی عاشقانی
 مخلوق پیدا دہمغیں چھریں زوار و پیاذغانی
 ٹاہتہ جہانا یہ دگے چھریں سوزیں موٹرائی
 پیاذغی کسے لڑغیں زواریں کسے ماذنانی
 ہر کس شی بھیرے سری باں اٹکلے ء مس برانی
 ساہ رندا گڑ کنغت سستغنت پیز ربرائی
 دنکو سوالاں نمئی در پدر بیشہ جہانی
 دل مناں دغیں اڑیاں میڑ و مرکائے کنانی
 ہڑدوئیں دستاں مس بنداں مس رواں پاذا چھرائی
 لگڑاں ڈھنگر مس بیماں ہا محن نئے مس سذانی
 نیں مس زیرانی جواہاں لنگ باں تاک ء کفانی
 ار کہ دا زہریں ہوڑے نیں سذاں مس کھڑد بانی
 باورا کھارے تو جوائیں پٹہ و ہاو میں شفانی
 اندرا آسے بلغیں سستغنت حوں میں رغانی
 یا وٹی دستاں مناں کش لیکوا نیں زندغانی
 یا وٹی رکاں مناں دے بوجلا تئی مہربانی
 منت و میڑاں گوں سوالاں چونچ چھلا دائغانی
 گڑتغاں خوشیں دلے ء گپتغاں نشک و نشانی

سلسلا مئے بیشہ رائی سجلی ء ملتخانی
 رابطہ مئے فون چھکنیں دعوتتا ہرو روانی
 زندگی ء کھڑد مواثوں دہیاں موی ء دژمنانی
 دروہ دھوکائے نذاثوں نسیں کہ مس قولوں پھرانی
 مجنوں لیلا ما بیشو مس مریداں آہیں حانی
 نیاز کسو کئے کتاباں اشکنت دراہ استمانی
 اچھلاں دل میں چڑشہ بند کثو گھٹارغانی
 موکل ارشنا چہ لوٹاں نی ہمیدا دارغانی





| | | | |
|---------|--------|--------|--------|
| زی | بیگہا | در | کپتغاں |
| مس | کوہ | دامن | گپتغاں |
| ڈیہاں | شتو | دیر | کپتغاں |
| پندھاں | جنانا | | رپتغاں |
| بیٹو | ہرل | مس | متغاں |
| نئے | نشتغاں | نئے | وپتغاں |
| مس | ساہ | لوغا | گرتغاں |
| درائی | ہندا | | نشتغاں |
| در کپتہ | ماہ | دیمیں | پری |
| درائی | ء | ہندا | نزڑی |
| ڈیہہ | گوں | شمالاں | بیڑنٹی |
| سغر | سری | وٹی | سٹنٹی |
| آتکہ | تشاننا | | گوبری |
| مانغ | میں | جانئے | کشتی |
| گلا | مس | داشہ | سنگتی |
| ڈکھی | کشتے | مناں | شے |
| | | | بھری |

ٹپ داتغت بے باروی
 زُڑتے نی ہرہاں افسری
 روشے تہ رو وختے ملی
 ماخوں ہماں اولیٰ غریب
 مرشی جھٹے میں حاضری
 شف کھیڈ تئیں چماں سری
 ورنا موی تو وزتی
 مس دہ نیاں دستی وٹی
 میں خیالیاں ہرّو زلیل
 نیل انت چرّغا چوھڑی
 پٹنت مناں اے رستری
 گورس میا ڈکھی موی
 ایرگا مہ گوئش ایرگا نوی
 تڑسا پہ دوستی نیلیغی
 وش جی مہ ونت جوریں بڈی
 کندنت آں دژمن میخ تئی
 ڈکھے کہ بیئے جانا سہی
 گوشتئی نئے پرواہیں وٹی

مس ساہ دیاں تئی حاتری
 بلاں مناں کسے کشی
 دنیا کہ ہر ڈولے گوشی
 بل تک مناں بیغنت تئی
 تو ٹھاپرےء روش و شفئی
 تہاریں شفاں ترا پندھ بی
 ساگی شفا ترا گڑدغی
 وختے روئے نا سوہوی
 رستر ورنتیں جنگلی
 یا دگے ء ترا مینگے مڑی
 گوشتوں کفوت مونجھا موسی
 تئی مونجھ شوشنت ہنگری
 دعا کن مناں پچی نوی
 بیڑی نہ جکی پار بی
 بلاں جہاں ہڑچی تشی
 چچی ء کہ میں جانا رسی
 کھائیاں رواں داڈلی
 تو عالم ء ٹوکاں موسی

دو پاؤں چھاری کس نوی
 رائی کشیں نی چھلکھی
 داں منزلے تکا بری
 نئے دژمنے جو ریں پڑی
 نئے قابیلین تیرے گزی
 نہیں زحم و کھاٹارے بھی
 نہیں ڈھنگرے گوں ما اڑی
 نہیں نیاز رو نہ تو سدی
 ہر کار مئے گئیبا ٹھی
 میں پنتھ ہمیشیں آخری





سنبرو سنیاں روان ہریویاں
 کھلوں دوں سنیں بانہڑاں تنیاں
 رول ترا پولنت کھیڑنت داماں
 لتراں دنت بلّ انت گرزاناں
 ترپڑاں بلّ انت دیم کننت براں
 چو گنوخ گھاڑی ہر گرے چھرننت
 ٹا پرننت کوہاں حون کننت پاذاں
 بیا گروں واسان تو منی ناذاں
 تھتروں سندھے وٹرو سماں
 ہور بنت دریمو آف سرا ترمنت
 کیر ترو لہڑی کھور بیچی ء
 بیا کفوت من تو جزوں پچی ء
 بیہوآ مستے جوسراں جزوں
 کوہ سلیمانے دامناں جزوں
 لیلوین دستا دے سراندی ء
 نئے پڑا گڑدوں عمر لاندی ء

ما وروں آفا اوٹغانی ء
 بلوں دوں وٹا مڑدمانی ء
 زندگی چیاریں روش بہار بی انت
 بی حذا راضی دل اوار بی انت
 لونھڑی لُکاں سا سرا نندوں
 گورغاں بڑزیں ڈبرال نندوں
 پچے دلا چھنڈے نیاز ترا گونیں
 کوڑوا روشاں چھرغا چھونیں
 تڑس نئین جگا بیا او دے دستا
 یاد کن گی گوشتہ چے مستا
 دانی کہ ساہے ڈوبرا مانٹ
 جُزغ و ڈیہانی سفر جوائنٹ





مس پوہ نویغاں شے کوا
 خود کسے ء دروغے جثہ
 تاں رنگا کناں مس باورا
 مس زندغان آں چوں مڑتہ
 نئے آزمان ء گوستغاں
 نئے فرشتغاں ڈاہ داٹغاں
 نئے کہ ہوائی اوٹھرا
 مس زندغان آں چوں مڑتہ

نئیں ترکشہ اے گلز میں
 نئیں رونقاں آتکہ کمی
 نئیں قہقہی ء میں دلا
 مس زندغان آن چوں مڑتہ

سوژنت ہماں رنگا باغباں
 گوں مرگ ساگی ولہراں

سُرلانٹ نے ہیج پلوا
 مس زندغاں آں چوں مڑتہ

نئیں مال لاغر بیشغت
 اولی آں استار مانخاں
 شمار مڑدماں پرامتہ
 مس زندغاں آں چوں مڑتہ

کمین کہ آں تکلیف بی
 دل گنڑتیاں سوچاں کفی
 مئیں نیاز روحیں مئیں گواہ
 مس زندغاں آں چوں مڑتہ





پھیری پھرانا قسمتی واہی کڑے ء گوستغاں
 دیشوں ملوکیں مردے بارث شہ ہر زاتیں شہاں
 سغرا سری ء ملمیں جانا را جاپانی گذنت
 جیغا جشییاں آہری لڈی لڈی پڑاں بلنت
 جانا را جی انت قیمتی پاڈ کڑی گوں کنگڑاں
 پناں سرا قنار نی والی گوں ہاراں تنگواں
 ماہی بلغیں صورتاں مس ریشم ء پاراں دیاں
 رک انت تنکنیں کاغدیں دنٹاں دف ء مُرواردیں
 پچماں را حونانی لوار بُروان زحمانی رہنت
 ماہیں انیشغ سر شفی لکھاں لہی چوں ماخاں
 شمبیں پُٹنت ابریشمے ماری تلغنت کوفغاں
 لچی چوں مومے براوریں نرمیں بدن شہ نیمغا
 دوستاں شا کھاریں باورا گوں گندگا کُشتی مناں
 دل جھٹشو گووٹ بڑتی ہندا کلاہے گڑتغاں
 ہج شے نڈاٹوں لذت ء او بیچار سوچاں کپتغاں
 نئیں کہ مناں تامے ونڑی موریں جنا دلینتغاں

ششہ مس پوہیں کاشدے ابریشما حالے گراں
 ولدی نداثی کاشدانی ہے حُدا مس چو کناں
 پیراں بزرگاں گوانجٹوں سوہری بزرگیں باولاں
 بیا میں مدت ء دستگیر سرور سخی گوں ہکلاں
 بیلہ قلندر بہاوالحق بازو گوں مرگی بانزراں
 مائی و مستیں توکلی تیوغ ولی میں واہراں
 محمود برانی مرید پیداریں مرشی برکتاں
 کھائنت میں واہر چیار یار دزبستنی عرضا کناں
 کشتہ مناں سوزیں جنا نئے منغیں میں منتاں
 ڈولے کفوت ء موم کنیں باراں شے لکھیں توراواں
 تنگیں دل ء پریات میں غیب ء شہ آمیں بیشغنت
 پیغام کتہ موڑیں جنا گوشتہ مناں زی کاشدنا
 ورنہ تو بیا گنداں ترا بیا بیگہا دیرا محن
 زڑتوں جنوخیں سی سفر تہاریں شے درکپتغاں
 جانا جشغنت خاکڑی درائی ء ہندا آتکغاں
 آتکہ گڑانا بوجلا ڈیہہ بیشہ روژن امجہاں
 دراہیں شے ء نشغتاں شف روش کٹمیں گوں محفلاں
 بانگو ء بازگا پیشترا موکل کٹو مس گڑتغاں

رندی کلام نیام کتو گپتوس شه مہلج ء زواں
 دل مس پہ تئی نام ء کتہ بگی مناں بلتے نواں
 ورنہ دلا مونجھا موی زیندا نسین اشته کڑد باں
 شرّا شمیذا بس کتہ مس نیاز بشکا لوٹغاں





گپتہ من زلیں دیمغے کھایاں مس رائے ناگماں
 شیریں مڑی ء درکفاں پجنت آفی اوٹغاں
 لئیوا کنگ انت چوکری معصوم ماہ رنگیں پری
 دُریں جٹووں موڑیں جناں جھٹے سوادہی یشغاں
 نیلی مناں دل نندا مس ایر کفاں سندھ ء بنا
 ہاسکار مس ولا کثہ کائیاں مس جاڑیں اوٹغاں
 زُرتہ کفووتاں کندغا گپتنش مناں پہ چھترا
 ناخو کیئے؟، چے پو لعتے چے کار بیٹھے پہ اے دراں؟
 گوشتوں مناں چھیریں نواں مس چھیرےئے واجا نیاں
 دل میں گنوخ نیلی مناں گنداں کہ جوائیں مڑدماں
 رماں پہ بیٹہ رونقے تکاں اے ورنہ عاشقے
 سئی نوں کہ کئی بی قسمتہ ایرگیں نصیواں گوں ملنت
 گوشتوں شاں کونجاں بلغث استاں مس نامی شاعرے
 پرماں پہ دھرتی ایں فدا باز دنگی میں عاشقت
 گھاڑاں دہ استیں افسرے تو ہچھیں مڑدے نیے
 وٹی جان جراں شوذائیں چھبو تھرت برے کفنت

شے عقل ۽ مس چے گشاں گندے شا جراں چھبواں
 گندے چھڑا شا سر برا پجا نیاریں مڑدماں
 ورنہ تو چالاکئے دفا تی نیستیں گہاتی ترا
 کوہا تھڑٹو رُ لَعْنے چو پولنت جت وئی ہشتران
 کوہیں میں گنجانی وطن تو کوہ گلایا محن
 ار نیازے گلایے کئے میں ڈیہہ گلایا محن





مے بلوچانی نشانی ظاہر انت
 ساہ ما قرباں کنوں پہ برادراں
 مے پوادا استیں ہڑچی پڑتہ مس
 سالخی لوتے مس لازم دیم دیاں
 لونش ڈیلھا نشکنت میں تئی پلوا
 دیم دیاں بیراں کُراں کوہ سُراں
 لُہرو سوزی مریڈو بوڑنت مے
 پُر کناں لوتے ترا پہ چبٹاں
 چھلائے نشکی دیانیں مور میں
 کندھی ۽ جوڑاں مدرکاں ژنگلاں
 کشک و گرے کہ گزر یشیں اگاں
 کارگاہ چیاں دیم دیاں ڈیرواں
 ترنگڑے یا ساز و تھیلے تی شہے
 بوجلا تو لوٹ لجا جی محن

برگڑی و ٹھل گوشے پنڑو
 نشک میں کائنت ترا تکھا ملنت
 گکڑے دیم دیاں یا دینخیں بڑے
 لوٹ ہر چچی ء تو لوٹے ماٹھاں
 مئے پوادے نیاز چچی کینت قیمتی
 نسیں ملنت شہراں مزائیں بندراں



اے منی ماٹ سری عین

ڈھالیں جو ریں دژمنانانی
 سائیں گرمیں لونہڑانی
 روژنی عین میں شفقانی
 اے منی ماٹ سری عین
 میں پہ دیمپاں بی لواراں
 بی حفاظت گرم و گواہراں
 ظالمانی ظلم و قہراں
 اے منی ماٹ سری عین
 میں اے مرضانی شفائیں
 کاروباراں میں نفاہیں
 دیر اژمس ہر بلائیں
 اے منی ماٹ سری عین
 قیمتیں چے اے سری ء
 آسراہیں زندگی ء
 میں سببے شاعری ء
 اے منی ماٹ سری عین

دامنا ہ رو گرانی
 بلکہ مس غافل موانی
 مس قدارا سئی نیانی
 اے منی ماٹ سری سیں
 میں سرا ایشی نگاہیں
 مہرواں اے میں سرائیں
 نیاز میں وستہ دعائیں
 اے منی ماٹ سری سیں



ابا گنوخیں

بیشخاں لائخ مس پوہاں بل تی ابا گنوخیں
 جگنی سمجاا یغنی سیں پوہ نوی ابا گنوخیں
 ہجو ناخو ہوش کشی مچیاں توہین بی مئی
 نسیں کہ ٹونکے گوشداری دفرڈی ابا گنوخیں
 چھکریں شانے مزائیں چوں گشاں ایشی ء بچاں
 مڑدے یاں نامی جوائیں عزتی ابا گنوخیں
 میں مزائیں کاروبارنت دست تاں رگیں مڑداناں
 مس گشاں میں مچیا میا گڈ چڑی ابا گنوخیں
 ہکلے آختہ چہ غیب ء اے تہ ٹوکیں میں ضمیرء
 چے گشتے نا سمجھ تہو کئے گشی ابا گنوخیں
 ار کہ تئی ابا گنوکیں تو شے آنہی ء پدا ء
 نہ ہمے سوچا دلا کن کہ تئی ابا گنوکیں
 تو گشغے لائخاں مس ڈس کھیا لائخ کھشتے

زار و ڈکھاں چیسٹو لائخ کھشئی ابا گنوکیں
 جہان چھرا آر تیغی کہ جہان چھرا تو ننتے
 حاترا تئی ء شف و روش گڑ کشتی ابا گنوکیں
 مس گشغاں تو گنوخے اش تو دیما کئے گنوکیں
 نیاز ٹونکیں تئی ہے بے عقلی ، ابا گنوکیں



انسان یگا

رے دھرتی یکے کاریں نام انج ملکانی
 مذہب فرقہ ایک ایکاں چھے ایکا ۽ مئے انسانی
 ماں گل یہ آدم اولادوں یہ آدم پند رندوں انسان
 اے بہر پدا مئے جندے غے آں افغانی آں ایرانی
 ہر ملکہ ہانخ زوار یکاں نہ ٹھیراں درشکاں تبدیلی
 نہ فرقے کھوراں تالاباں بس فرق چھڑو مئے نامانی
 مئے موت حیاتی یہ بھیراں مئے سوچج مجھنغ بت بدن
 مئے ڈراہی بیماری تکلیف شف روش مئے یکاں کلانی
 ماں ہکر ہکر ٹھینٹوں وا نام ما بستا ہر ہندے
 تی چے فرق ما نہ پوہاں تہ پوہینے مناں سمجھینی
 ہا نام زوان زوریاں کہ ما انسان وٹار پھجاروں
 انسانی حدا پار کھنوں ما ۽ غلطی ۽ مئے سوچانی
 تئی سورت سیرت بیماں جڈا ما نیاز عمل ٹھینوں
 آں ڈکھ مئے جندے جان بنیاں
 مار تک دلا بی تی آنی